

**Veritates Christianæ Qvæ Modvm Exhibitent Benè Vivendi  
Et Benè Moriendi**

**Balde, Hendrik**

**Ipris, 1689**

53. Cap. Præstat Sacrificia Missæ fieri antè, quàm post mortem.

---

---

**Nutzungsbedingungen**

[urn:nbn:de:hbz:466:1-56447](#)

## CAPVT LIII.

*Praestat Sacrificia Missæ fieri ante, quam post mortem.*

**Q**uod Missæ Sacrificia post mortem peragi cures, bonum in primis est & laudabile; sed curare, ut ante obitum illa peragantur, longè id profectò melius atque laudabilius.

Illa, quæ ante mortem, dum æger decumbis, pro te fieri jubes, plurima tum animæ, tum corpori beneficia tibi possunt impetrare: valent, si quidem sis in statu gratiæ, omnes peccatorum tuorum pœnas expiare, nec non rectam tibi pandere in cœlum viam.

Satiùs est nunquam in ignes piacularis descendere, quam illis paulatim educi; quemadmodum melius est, ædes tuas nunquam flammarum concipere, quam postmodum illam extingui debere.

Si in statu mortiferæ noxæ verseris, Sacrificia, quæ dum æger es, ad aram offeruntur, causa esse possunt salutis tuz: fortè Deus per illa movebitur, ut infundat tibi supernaturales gratias, quibus adjutus veram sinceramque elicies de peccatis contritionem.

Quæ

Quæ vero offeuntur post obitum, gratiam, quæ facultatem suppeditet ad rectè moriendum, aut morbi molestias patienter ferendas, nec impetrabunt tibi, nec impetrare valebunt.

Illa etiam tibi nequaquam sunt profutura, si in statu mortiferi peccati è vita excesseris; nam *in inferno nulla est redemptio.*

Si in statu gratiæ mortem obieris, missæ sacrificia, quæ ad animæ tuæ refrigerium impenduntur, possunt quidem te à pœnis peccatorum liberare; sed scò fortassis tibi proderunt, eò quòd seriùs, quam par est, peragenda sint, idque propinquorum incuriâ, vel nimiâ cupiditate Sacerdotum, qui interdum plura missæ sacrificia admittunt, quam ut brevi tempore illa offerri possint.

Quin imò, quod magis deplorandum, nunquam tibi proderunt, si aut avaritiâ aut oblivione omittantur. Procul ab oculis, procul à corde.

Cuncta hæc pericula evadere possumus, si dum in vivis adhuc versamur, sacrificia missæ pro animæ nostræ salute peragi curemus, præsertim cum jam morbo corripimus.

Præstat opes suas antè obitum erogare

in res pias, quām testamento illas post obitum dispertiri.

Quidquid in morte relinquimus, inuidū relinquimus; velimus nolimus, relinquendum est.

## CAPVT LIV.

*De extremā Vnctione.*

**E**xrema unctio Sacramentum est à Christo institutum, & per S. Iacobum Apostolum promulgatum. Dum adjunctam habet attritionem, si quis contritionem perfectam elicere, aut peccata confiteri nequiverit, condonat omnes mortiferarum noxarum culpas, quantumvis licet magnas & numerosas.

Multi sempiternis cruciantur pœnis, qui ineffabilibus jam fruerentur in cœlo gaudijs, si extremā Vnctione præmunit ex hac vita deceſſissent.

Confert igitur gratiam sanctificantem, vel eam adauget, animam mundat, Peccatorumque reliquias abstergit, id est, pravas inclinationes, Spiritus teponem, nec non pœnas, quæ pro noxis commissis nobis erant persolvendæ; plus minusve pro magnitudine vel exiguitate internæ nostre dispositionis.

Non